

續修四庫全書



《續修四庫全書》編纂委員會編

續修四庫全書

上海古籍出版社

六三二・史部・地理類

〔光緒〕畿輔通志三百卷首一卷（卷七十五至卷九十五）

〔清〕李鴻章等修 黃彭年等纂

.....

〔光緒〕畿輔通志五

〔清〕

李鴻章等修
黃彭年等纂

據一九三四年商務印書館影
印清光緒十年刻本影印原書版
框高二一六毫米寬三二八毫米

畿輔通志卷七十五

略三十 河渠一 水道一 十河總目 大凌河附小凌

謹按直隸水道東瀆渤海為眾水之所歸北及西南為眾水之所入而其中之小河則各因其地勢而源分流合附於數大河以趨海即濱海之地間有小水自行赴海不入大河然其流率短則亦可屬於所近大河而附之統計直隸全省其水之大而為綱者約有九并黃河而為十曰大凌河曰遼河此二水皆歸於

盛京曰深河此水獨由樂亭入海曰薊運河曰北運河曰永定河曰大清河曰子牙河曰南運河此六水皆由天津參差入海若黃河則自河南流入大名府百數十里而已出境然所經雖止一隅而不得旁屬且九河故道亦宜考論故總而為十綱也綱舉而目張則自北而西而南皆以東為歸宿之區所謂先河而後海今首列其綱者為第焉

大凌河第一

遼河第二

深河第三

薊運河第四

北運河第五

永定河第六

大清河第七

子牙河第八

南運河第九

黃河第十

以上十河為綱凡為兼受之水皆隸於綱下為目其不入綱流別行入海者則就所近綱水以為附雍正志河渠水道止一卷其於大小凌河白狼水老哈英金大遼水皆所不載餘若六州等河更無論矣今既續補重勘條理固不敢循繁雜亦所宜汰昔齊召南水道提綱自序譏古來志地理者志在藝文情侈覲覽或於神怪荒唐遙嶺山海或於遊蹤古蹟逞博眩奇祇足供詞賦披尋而未免穿鑿附會洵篤論也故此綱亦但求簡明無取瑣飾至於標題悉用今名而古名則於略內釋之亦所以便檢閱

大凌河第一 即白狼水

和爾圖河 僧機圖河 賽音台河 克爾河 蘇巴爾

噶河 阿爾善河 古榆林河 芍藥河 南土河 沁

河 卑努克河 確嘴河 荆水 波羅台溝河 察罕

河 布爾噶蘇台河 羊角屯渠 固都河 釜泉河

涼水河 奎騰泉 北土河 固爾班和爾圖泉 朝陽

溝 卓索河 什巴爾台河 格爾庫爾台河 巴爾察

罕河 烏里雅蘇台河

以上二十九水皆在直隸境內入大凌河者

衰齊老河 清河 隘口河 馬鞍河

以上四水皆源出直隸入柳邊後始入大凌河者

老公溝泉 大安堡河 小沙河 泥河 東沙河 西

沙河 大蛤刺河 七里河 王巨河 石河

以上十水皆出

盛京入大凌河者

通計大凌河受有名之水四十有三

附小凌河 即參柳水

明安河 穆墨河 哈柳圖河

以上三水皆在直隸境內入小凌河者

楊樹溝河 湯泉河 女兒河 湯河 二郎泉河 小

蛤蜊河 頭道河 二道河

以上八水惟女兒一河源出直隸餘皆

盛京所出入小凌河者

通計小凌河受有名之水十有一

附六州河 即六股河

寬濟河 塔木河 摩該圖河 呼魯伯楚特河 額里

葉河 布勒圖河 四道溝河 偏山河

以上八水惟偏山一河出

盛京其七皆源出直隸相匯而爲六州河寬濟乃其經流也

大凌河水道

大凌河即古白狼水鄭注附遼水篇末以其下據至故房縣境今盛京錦州東與遼水相合故併於遼水而今列此於遼水前者則以今之大凌河入柳邊後只東南一支自行入海其東北一支昔與遼水合者久已枯斷兩相隔絕非遼水所得統屬又況直隸北面由東遼西大凌河源亦近而先見故首列之而後至西至南皆順而以次遞及也其曰白狼水者據舊地理志右北平郡下白狼縣師古注有白狼山故以

名縣白狼水當亦因此得名水經注曰白狼水出右北平白狼縣東南北流西北屈逕廣成縣故城南按白狼縣有二而白狼水復北流至廣成縣知白狼縣在廣成縣故城之南矣水經注又曰又西北石城川水注之北逕白狼縣故城東王莽更名伏狄此則漢白狼縣之故城更在廣城縣故城之西北在莽時已改稱伏狄矣二白狼縣一在廣城之南一在廣城之北紀要云建安中魏公曹叅伐烏桓登白狼堆蓋即漢白狼縣舊址也城廢故曰堆若其南之白狼縣則晉咸康中慕容燕之所復置也此水第同於白狼山之開故以爲號焉隋書契丹傳作白貌河熱河志曰白貌即白狼之訛按此亦非盡訛蓋俗稱狼原有獲子之目殆从俗呼耳但鄭注曰出日逕皆言流而非源白狼水蓋有三源一南兩北蒙古皆曰敕母林紀要謂之惡河北語誤亦曰惡木林水道提綱作敕木倫謹按大凌河即白狼水提綱以老哈河熱河志作敕穆楞爲白狼水殊屬非是熱河志辨之甚詳老哈河志作敕穆楞各本舊爲難異以土音取之則一也敕穆楞者譯言凌河也而白狼水之稱凌河則見於金史地理志與中縣今土默特南有凌河承德縣今盛京錦州西北有凌河然遼史地理志已有遼州今盛京在遼河南語是凌河原作遼河猶木楞之作木倫同音異文耳其稱大凌河者明一統志大凌河源出大遼小凌河源出大甯則大凌河之名又以對小凌河而別之本猶白狼河而魏書地形志簡呼作狼河名稱增減原難膠執元一統志曰凌水出龍山縣今昭烏達左翼西南六十里師婆壠至縣東南十五里入利州界一云出龍山縣南八十里蒙軍利東北流一百里入利州界今按大凌河南源出建昌縣屬昭

喇沁左翼旗南地名土心塔在縣城東南二百二十里西達
撫甯縣界獅子河近焉東達臨榆縣界石河近焉此兩河近
人皆謂之淪水漢書地理志遼西郡下臨淪淪水首受白狼
而由今核之並無其蹟鄭氏水經注皆能指實獨於白狼分
支則曰疑即淪水又曰疑是臨榆縣之故城又曰疑即所謂
侯水北入淪者統設疑詞莫衷一是而漢志顧云爾竊意淪
水首受白狼當在白狼之東南侯水入淪當在白狼之東而
淪水之西侯水入淪乃受白狼相其地形石河近是且云首
受自應近白狼之源頭不應在白狼之歧尾鄭氏於證真水
後卻分白狼支流應為淪水宜其失據矣

白狼水初出北流逕傳家臺西迤北至箭廠西乃轉而東北
徑石柱山熊山之東元一統志曰熊山在龍山縣南六十里
石柱山在龍山縣南八十里然則石柱即所謂紫草務熊山
即所謂歸婆塞可想以道里計之恰合也乃知元統志亦特
審其流耳又北流至喇嘛洞西又北流水勢忽一曲折而西
北鄭注所謂北流西北屈者也自威遠圖山在其西焉威遠
圖即提綱所謂尾蘇圖山為白狼之真源者不知已距河源
百里而遙矣熱河志曰威遠圖山漢名樺山在喀喇沁左翼
西南四十里大淪河流經其流大曰流經其麓則非源明甚
提綱誤已自是北流復轉而東北其北岸為犏牛屯蓋即漢
廣成縣故址也自犏牛屯而北仰白鹿山水經注曰石城川
水東流北屈逕白鹿山西仰白狼山也知白狼亦名白鹿後
魏已然矣熱河志曰布祜圖山仰白鹿山一作布古圖山其
實自十道營五道嶺即塔木達巴及十二跌撲南至黑山科

之額里葉山西至鄂倫和固諾克山暨巴顏濟得克山皆白
狼之支絡也於是循而北流為鄂倫和固諾克山所阻乃西
屈而北轉至喀喇沁左翼西南明營州右屯衛北有和爾圖
河自西南來注之

和爾圖河發源於托蘇岡喀喇沁山東亦白狼之一脈也距
喀喇沁左翼旗五里東北流入白狼水

白狼水遂東北合流屈徑公營子西南其西南岸有龍山縣
故城蓋遼置也又迤北有僧機圖河自西南來注之

僧機圖河建昌縣水也即古石城川亦曰生機河名見一
統輿圖熱河志曰僧機圖河出喀喇沁左翼西四十里之

僧機圖山漢名窟窿山僧機圖河新言窟窿山河也按水
經注稱石城水源出石城山則當在石城縣故城之西中

歷廣城縣境始與白狼水合計其源流實不止四十里今
以 畿輔輿圖考之此水之源尙在山嘴子西去烈山梁

不遠烈山梁為虛龍塞東北隘口即石城山也石城故縣
即在山之東夏秋水漲發百道俱東必與此河為一可

見當日石城川水本出烈山梁其後上源塞而下源通始
指僧機圖山為表誌蓋水道變移往往似此然今自烈山

梁而東五十里間均無水道至僧機圖山下其源始見東
流南迤逦拂石村北又迤而東逕山嘴子村南及義和莊

南又東逕胡岡克圖喀喇沁山南又東稍北逕三道營村後
又東流北折徑龍山縣故城東又北屈逕托蘇岡喀喇沁山

西其西岸之連山不斷即古龍山矣又迤邐而東北流至
公營子西南入白狼水

白狼水乃北流逕公營子西其東即喀喇沁左翼旗庭水經注曰白狼水北逕白狼縣故城東王莽更名伏狄知漢白狼縣故城在大凌西岸矣又東北流出古長城界此乃漢遼西界分遼遼而東北有賽音台河自西來注之

賽音台河亦建昌水熱河志曰出縣南鴻吉爾岱山在喀

喇沁左翼西北六十里其相近有黃金帶川道口也河源

出焉南望僧機山在三十里外逕而東流逕七間房東

南達三台子北又東逕南平房北至廣甯站西北入白狼

水按水道提綱云又有塞河

白狼水乃東流北折逕東平房村西又逕三台小營之西

乃大凌河之南北源口要津也自土心塔至此陸程一

百里而南源始盡其西岸有方城川水合兩河來會焉曰

北源

北源有二一出左翼西之水泉子在建昌縣二十里舖之南

十餘里今謂之克爾河即水經注所謂方城川水也是為大

凌河之中源鄭氏曰方城川水東流北屈逕一故城西世謂

之雀目城計其地富在建昌縣南小河南道口之西南與河

西十里舖河東北遙相望又東流至縣治南小河南村之西

南則北源又出左翼西北之三官營在建昌縣北逕而東南

流又受二水其東股曰阿蘭善河其西股曰蘇巴爾噶河

阿蘭善河提綱作阿喇善河漢言神水河即古琵琶川元

一統志所謂榆林河也在縣治北逕西四十里其發源之

處俗名熱水湯以溫泉名也東南流逕三官甸子即三官營又

東南至濟甯喇明營與北源合

蘇巴爾噶河一統與圖作蘇巴爾漢又謂之忒布克河即

句音清水以其源出句邱梁東句邱梁即盛托蒙俗訛呼為狗水元

一統志狗水在惠州東一百八十里源自指頭山崖出東

流一百二十里入利州界合凌河凌河口為三官小營西

至利州十餘里熱河志曰蘇巴爾噶河漢言石塔河出喀

喇沁左翼西北境在建昌縣西三十里而句邱梁在建昌

縣西四十五里固知其在句邱東矣句邱梁其即元志所

稱指頭崖數道里方位皆合也河逕遼而東流逕塔子底

北一名塔河名石塔者以此又東至縣東北與北源合

北源挾兩河以南流至小河南村東復與中源相遇於是北

中兩源會而東流又南折逕哈叭台北蒙古呼為喀卜齊

道口也又逕遼而東南流逕哈叭氣北蒙古呼為喀卜齊

亦道口也距城二十五里自哈叭台至此皆繞金華山之西

南麓又折而東至金華山南金華山者即金黃山也熱河志

曰在建昌縣東南三十五里山石疊阿遠望作黃金色故云

又逕而東流逕指七間房北又東逕逕大鹿溝南乃稍稍逕

北而東流逕長壽山之南熱河志曰長壽山在建昌縣東北

六十里山有雲峰真人康太真墓碑距山西百步有玉京觀

舊址河流至此有榆河之目焉

榆河枯澗也其始蓋自長壽山後東南流來會北凌河者

也元一統志曰榆林河至糧司空莊入凌河其地在遼利

州東而今埋矣

北源又逕北而東流至三官營即三官營又東與南源合古皆

名之曰白狼水今皆呼之為大凌河

大凌河既併三源河流始盛迤北逕東哨村西又迤北而東折而白狼水之東流自此始矣遂東至於鐵溝村北又東入朝陽縣界達永來店東望梯子嶺岡巒不絕南望朱家嶺子俗音峰在數里外其北岸漢口有芍藥河故渠焉

芍藥河元一統志曰在利州東五十里源自芍藥莊山谷闕出東流合於凌河知此河出芍藥莊因以名矣而今則既失其莊復淤而涸姑錄存考

大凌河又東流則北岸有南土河自西北而東南流注之

南土河即國爾根河國爾根漢言土也此平泉州水也謂之南者以朝陽縣北境亦有一國爾根河入土默特右翼境故呼此水為南國爾根河以別之其源出平泉州屬喀喇沁右翼東南一百八十里之錫默特山東流逕臥佛寺南又迤南而東流逕遷棚杖溝南入朝陽縣境又一折而東南流至永來店北入大凌河其北岸為國爾根村因河而得名也

大凌河又迤北而東近木頭城子蒙古呼為滿代營子即元建州開泰郡也有沁河自西北而東南流入之今涸

沁河枯涸也元統志曰沁河自富庶縣西四十里小瀾流經縣治西南一里許東流四十里合於凌河則源委八十里矣按富庶縣遼城也元省入興中州後復置其沁河故道乃自小瀾東流逕長皋至公營子即富庶縣故城又東逕弓子嶺又東迤南逕木頭城西入大凌河

大凌河又屈曲東流北逕西平房之西熱河志曰平房兒在喀察爾西二十五里即此其北岸有卑努克河自西北迤東

而南流注之

卑努克河一統輿圖作貝努克云出貝努克拜商建昌縣北境水也而即古高平川水熱河志謂高平川水無考今以水經注證之其即卑努克河歟鄭氏曰水出西北平川東流逕倭城北蓋倭地人徒之又東南逕乳機城北蓋逕戎鄉邑兼夷稱也又東南注白狼水案白狼水受高平川水在自魯水之先且出平川並非山谷則卑努克河源出牛膝和屯西北三十里之熱水湯與平川也迤南流四十餘里折而東逕冷陁陁陁者故鮮卑庭後為奚契丹兩部分據鮮卑東胡種也水經注倭城殆謂此城又迤邐而東南逕青鸞嶺西元統志作青鸞嶺有金山或作青山嶺一也又逕其南又迤邐而東南皆行蒙古部落無村聚其戎鄉矣水經注所謂乳機城雖莫詳其所在而乳機之兼夷稱固必出於戎狄其在蒙古部落中歟又東南至青溝溪西注白狼水則平房兒西也或以高平川至青鸞嶺後為古紫蓋川水不知高辛氏封少子厥次於紫蓋之野是其所分之野皆藏以紫蓋之名若宇文東胡抄程海史書所載紫蓋城各異要在遼之東西塞外也僅載一川未之殊為鑿見大凌河經木頭城北後提綱曰有小河二自北自西來合東注之而未言其名今以地形核之其北來者當即卑努克河其西來者當是確嘴河

確嘴河平泉州水也元一統志曰河在金源縣今平泉州西三里源出寺家莊西南三十步平地涌出溢而成川流逕縣西一里許東南流九十里入建州今朝陽縣西八里合於凌河又有剌水自金源縣界在喀喇沁西流入建州逕州東北剌山下故名下流合於凌河此二水熱河志

俱列於無考謂兩河之形勢略同疑爲一源竊以元統志釋之於確嘴河則詳源而略委於刺水則詳委而略源而綜其源委而觀則確嘴源在西北刺水源在西南相去二十里許皆東南流數十里漸近而合至荆山之西迤南遂並入浚河然今皆淤廢其源之可識者惟喀喇沁窪爲確嘴河源喀喇沁溝爲刺水源其委之可識者惟荆山南近河處尙名刺岸耳

大浚河既受卑努克河迤南而東流距朝陽縣一百十里其北岸有波羅臺溝河自西北而東南流注之

波羅臺溝河建昌北境水也蒙語波羅漢言青猶青溝云爾其上流亦呼爲牛膝河以其源出牛膝和屯熱水湯與卑努克河相望亦迤南而東流經林家地村南又折迤東南而南流逕四家子村北又出其村東迤南逕舍拉口屯南北望舍拉虎皆山溝也又迤東而南流入朝陽縣界逕青溝汎西始有青溝之目又東南逕大廟村西又迤南至波羅臺溝入大浚河

大浚河又迤南而東流至喀喇城西有察罕河自西北注之察罕河者朝陽縣水漢言白河也提綱作查罕熱河志曰察罕河出土默特右翼旗西百六十里哈卜塔海華山在朝陽縣東境東南流入大浚河按土默特右翼旗在朝陽縣治正北而哈卜塔海華山更在右翼西百六十里是河源在朝陽縣西境也言東者誤矣此與土默特右翼北界之哈卜塔海山漢名馬孟山者別其東南流入大浚河在喀喇城西

大浚河又迤南而東流逕喀喇城南此城卽遼聖宗所改置建州故城也迤此城東有布爾喀蘇臺河自西北來注之布爾喀蘇臺河提綱作布爾乾蘇臺河朝陽縣水也漢名柳河又以流逕喀喇城而喀喇城漢言黑子城故亦呼黑子城河蓋卽水經注之自魯水也按盧弓故失皆謂黑而鮐魯與盧通用然則自魯而自魯水熱河志列於無考水其亦有黑水之義歟中謂其當在朝陽縣境誠以軌流移徙古今異名難臆測也然統計白狼水所匯諸水自高平川以下無更大於此者凡記瑣物必舉其鉅以爲誌通例也水經注於高平川水注後卽云又東北自魯水注之水導西北遼山東南注白狼水又云白狼水又東北逕龍山西據此則自魯水之來注在龍山之大西南可知龍山者今土默特右翼東南二十里之鳳皇山是也熱河志曰鳳皇山卽古龍山以山椒一塔登時諸峰抱之如鳳昂首張翼形故改名之今布爾喀蘇臺河源出土默特右翼西北一百九十里之威遜圖喀喇山喀喇漢言黑威遜圖漢言神言黑神山也又按山則名同而實異矣蓋彼正耶注所謂西北遼山也屈曲處山多黑而產樟故云然東南流逕三道梁汎西又迤東而南流逕嘎里嘎梁東又屈曲東南流逕波洛赤熱河志作波羅齊村西又南流逕茶棚梁西又迤東南流至大板村西又南入大浚河相其觀委方獨自龍山以西平房以東除此皆近小水更無自西北遼山導至者故今之布爾喀蘇臺河爲自魯水無疑大浚河受自魯水逕遼東北流其色漸濁而於是有黃河之目焉熱河志載土默特右翼旗西有黃河灌廢城所謂黃河

即白狼水專指色言與導自積石之黃河無涉流至朝陽縣西南六十里其西北有波羅臺此波羅臺漢與建昌縣入大凌河者異彼波羅臺漢在縣治西南百里熱河志曰在朝陽縣西北洞中有石佛像是已又東北逕龍山溪水經注曰燕慕容以柳城之北龍山之南福地也使陽裕築龍城所謂龍山即鳳凰山解見布爾哈其龍城故地為今三座塔熱河志曰鳳凰山在三座塔城之東白狼水正流經其西與水經合再按朝陽縣屬土默特右翼西一百里有卓沁塔喇山本名鳳凰山其巔有祠西北峰亦有古塔一俗人見東鳳凰山為龍山遂本目此為龍山是則因訛成誤矣又元一統志龍山縣北八里有龍山如臥龍此則更在建昌縣境亦相去其東岸有羊角屯渠

羊角屯渠即紫草務故渠也自羊角屯西屈曲西流故云今為淤口猶存其蹟而已

大凌河由三座塔迤東而北折魏土地記所謂黃龍城西南有白狼河東北流附城東北下是也三座塔者即黃龍城今古爾班蘇巴爾罕山是也蒙古謂三古爾班在城之西乾隆三十九年曾置三座塔廳四十一年乃改為朝陽縣河附城東北流逕阿仙洞西中山營在焉又東逕長板營北又東迤南至二官營有固都河自西北來注之

固都河古未有聞固都乃蒙古語或謂應作故都疑熱河為古城邑之舊名味穿鑿無所據熱河志曰固都河在朝陽縣北一百里自石佛中流出行五里伏入地又六十里仍涌出南流逕木匠營北又有釜泉自西北來合焉

釜泉熱河志謂之黑錫泉蒙古呼為喀喇託歌泉喀喇託歌漢以其源出土默特右翼旗西六十里之喀喇託歌山

故名在朝陽縣治東北境迤遶東南流逕白腰村西轉至木匠營北與固都河合乃迤南而東流至二官營道口之西入大凌河

大凌河又屈曲東流逕艾石溝南道口也又東則涼水營在其前焉土人呼為涼水河村其北岸有涼水河來注之

涼水河朝陽縣水前此未著熱河志曰河在朝陽縣治東北境原作西北境應是傳錄之誤此水微細斷自小八溝平地出泉約二里許東南流滿為河行四十里又伏流二十五里重源復出至艾石溝北有奎騰泉自東北來會焉

奎騰泉漢名冷泉出土默特右翼西北二十五里在縣治東北境南流逕大華山東北又南迤右翼故庭之東至艾石溝北與涼水河合涼水河得奎騰之冷泉而涼水始副

其實遂合而東南流至涼水河村西入大凌河大凌河自涼水河村南迤南而東流逕老貝子府南亦土默特右翼故庭也又迤南而東流逕金教寺南亦道口也其北岸有北土河挾數水來注之

北土河蒙古呼圖爾根河此與平泉州之圖爾根即水經注之溫泉水也耶氏曰溫泉水出西北塞外東南壓重山

入白狼水今北圖爾根河出朝陽縣屬奈曼南五十五里之塔本陀羅海山陀羅一漢名五鳳山在縣治北境案塔羅海山有三此乃北圖爾根河發源處在奈曼南與土默特右翼之塔本陀羅海山之建昌縣屬喀喇沁左翼之塔

山俱別運緯諸圖山盤流紆曲凡歷岡阜數十折東南流二十里許有固爾班和爾圖泉自西北來會焉

固爾班和爾圖泉固爾班漢言三和爾圖漢言長壽三泉長流也在朝陽縣北源

出奈曼西南六十里三泉岔舖合而東南流會圖爾根河謂之泉者其來也近不成河故耳蓋其水屈曲東南流運轉牛石溝村西又迤南遙運白音長溝西又南有朝陽溝濱在其西焉

朝陽溝蓋即古虎河口也今爲枯澮元一統志曰虎河發源武平縣西南六十里葫蘆山流運縣之霸州舖合於遙刺河今考武平縣故城在朝陽縣北境牛石溝西南二十里之北土河西今朝陽縣城在元爲興中州舊置霸州彰武軍於此故置舖運而元志於虎河遙刺河皆不言其出境當皆在武平境內自西而東流再按遼志武安州今朝陽有約囉水原作曼囉水以字音會之當即遙刺水音北音同約囉水亦同母音又有格默勒水一作箇沒里水以地形求之亦當即虎河何也元志於武平縣境內遙刺河外祇一虎河則知遼武安州之格默勒水爲虎河異名要皆不出朝陽溝近是此固可兩言以決之遙刺河即北土河古蓋其水也虎河即朝陽溝遠格默勒水也舍此更無他水可尋矣但朝陽溝上流已塞至朝陽溝村北溝形始見屈曲東流稍北約十里餘與遙刺河合即北土河西南岸又疑北土河即北齊書文宣帝紀之勝師水以勝師鎮在營州東北也似即古蓋其水北朝時改名勝師水然方位雖近無確據如附志之

北土河至此一大曲迤南而東迤北官營西又迤東而南運二塞西又紆折南流其西岸有卓索河注之

卓索河朝陽縣水漢名紅土河按紅土河應對白土河而以白川爲名乃知今北土河雖對平南土河爲解其源作白土河以紅土河證之矣白北二音相混故致然則

之白川其水源出縣屬土默特右翼北一百里之輝果爾山在縣治北境東南流徑板達營西又東南與北土河會蓋其水遂合而南流徑轉家窪河東道口也其河西道口則爲燒鍋地兩村夾河相望云蓋其水又穿長城而南水勢一曲迤南而東流有什巴爾臺河自西來注之

什巴爾臺河按此與建昌縣之什巴爾臺河漢名泥濘河亦稱土河源出朝陽縣屬土默特右翼北三十五里之多倫和爾和山即七寶山也在縣治東北境山在北國河之西河迤東而南流運蒙古營北又東南流有格爾庫爾臺河自東南來會焉

格爾庫爾臺河土人呼爲石雞河亦朝陽縣水源出土默特右翼東四十里之塔木陀羅海山此山有三同名異地亦在縣治東北境西北流與什巴爾臺河合山在北國河之南和山東南故格爾庫爾臺河流向西北

北土河

北土河又迤南而東流運上長橋之南又屈迤東而南流則有巴爾察罕河自西來入之

巴爾察罕河漢名柞河源出朝陽縣屬土默特右翼北十五里之巴顏華山即大華山也其南爲右翼貝子駐處按河志巴顏華山在土默特旗境者已有三一在右翼東四里一在左翼北十五里此則在貝子駐河之北也遼史地理志與中府有在縣治東北境東南流運老貝子府西大華山即指此

北又東入圖爾根河

北土河又迤東而南流有烏里雅蘇臺河自東北來會焉烏里雅蘇臺河漢名楊河熱河志曰源出朝陽縣屬土默

特右翼東北八十里在縣治東北境西南流會圖爾根河
或約計其里數以爲其源出之山也云右翼東北八十里
東北一百三十里有烏里雅蘇山漢名錫山與合名王
同驛較所云河源向遠五十里安知其非發源於此山伏
流五十里重源復出耶又安知非上流源無徵人遂志其
近而遺其遠耶凡水每以所出之山而得名此固其例矣
其合流處在馬家營西南既合乃逕東而南流逕金教寺
北又折而東逕南入大凌河

大凌河又逕南而東流逕三寶營東北又東南流逕九關臺
門北流入柳邊至

盛京義州之西北境而直隸之疆域乃界於此矣
謹案 盛京通志曰大凌河源出邊外流三百二十里入
九官臺熱河志又云大凌河三源會後共流三百七十里
至九關臺其三源未合之前尙有一百餘里不在此數是
大凌河當行邊外四百七十餘里云三百二十里者或以
陸程概計歟

大凌河自九關臺以西在直隸境內凡受有名之水二十有
九水經注以爲其水入白狼水後又東北出東流分爲二水
其一東北出塞爲白狼水又東南流至房縣注遼魏土地記
曰白狼水下入遼是也其一東南出別流入海不達遼河耶
氏疑卽渝水引地理志渝水首受白狼水西南循山逕一故
城西世以爲河連城疑是臨榆之故城王莽曰馮德者又曰
渝水南流東屈又東南入海案鄭注東北出之白狼水乃白
狼之正流也其東南之疑爲渝水者乃白狼之支流也與漢
臨榆縣渝水絕無干涉 按漢臨榆縣故城爲今臨榆縣之西
壁外當在今臨榆縣西北過外距是至遼漢交黎縣故城爲
今山海關東南近海地交黎渝水首受塞外南入海當在今

山海關外與遼東界絕不得指此曰狼水之支流而
其爲渝水也渝水首受白狼當在白狼發源處辨已見前
蓋道元之時自歸巫關以東皆高句驪境內非後魏封疆所
及無圖籍可徵故懸揣云爾況滄桑屢變谷可爲陵今古道
元之世又千數百年矣乃求白狼水之故迹至僅存東南出
支流一道而東北出之正流反日趨於下而併入支流並不
與遼水合此則更道元之所未聞者矣夫故道既不可復尋
則惟卽目前之形狀變遷而不離於古者以竟其委焉可也
大凌河既出柳邊入義州界遂逕迤而東南流其西南有柳
河川合一水來注之

柳川河蒙古呼爲衰齊老河承德府志曰在朝陽縣治東
境源出土默特右翼南三十里之蘇巴爾噶圖山東南流
至九關臺門西南二里入義州境更名柳河川其南岸有
老公溝泉水注之

老公溝泉義州水也 盛京通志曰老公溝泉在城西三
十五里源流均細故稱薄焉北逕而東流至九關臺門南
入柳河川約長五六里合而東流入大凌河

大凌河又逕而東南逕望廟窠山在其南焉又東則南岸有
大安堡河東趨而北流注之

大安堡河亦義州水 盛京通志曰在城西南三十里源
出紅石礮子山北流繞大康堡西又東逕北入大凌河

大凌河又逕迤而東南逕萬佛山北距城十五里又東南流
至城之西北有小沙河自西南來注之

小沙河亦義州水其上源曰魏家屯泉在城西南二十里
逕北而東流通志曰魏城西北距城二里許入大凌河

大凌河又逕東而南下逕義州城西又轉而東南流逕城南堡之西又東南有泥河自西來注之

泥河亦義州水方輿紀要曰義州衛南二十里有泥河出西山中逕流衛東二十里之杆頭山入大凌河又盛京通志曰泥河在義州城南七里源出宋八屯北流至徐家屯西入大凌河今按紀要所云衛東二十里杆頭山應作衛東南通志所云北流至徐家屯西應作東北流蓋徐家屯與杆頭山隔河相望宋八屯在西山之中兩相參觀乃得其際耳

大凌河逕遼東南流出杆頭山口遂徑南下又逕東過出頭山西盛京通志曰出頭山在城東南六十二里即此其東岸有東西沙河合流而注之

東西沙河者異源而同流東沙河即大甯堡泉盛京通志謂在義州城東北十六里源出大甯堡城又謂大甯堡泉在城東北三十里按紀要曰大甯堡在義州東北六十里外而通志云三十里蓋內徙之大甯堡即東沙河源矣其流也稍西而逕南而西沙河則在城東北十五里源出營城東故亦謂營城東泉或又以爲即明萬厯間狗河塞堡之狗河也然無所徵矣而其流也則稍東而逕南與東沙河會焉方輿紀要曰大甯堡南有金沙溝即金其即兩河之所匯者歟由是合而南流逕杆頭堡東又逕東而南流逕牽馬嶺驛西又南逕出頭山東麓又轉而西南入大凌河

大凌河乃逕東而南流行山谷間入錦縣境距城五十餘里其東岸有檻倫水注之

檻倫水者朝陽縣水也俗謂之清河蒙古謂之翁格勒庫河而檻倫之名則始見於水經注但疑即候水北入渝之候水復以檻倫爲戎方之變名是直以白狼水支津爲渝水遂指檻倫爲候水其誤固不待辨矣然即由今論則在直隸朝陽縣界謂之翁格勒庫河以其源出翁額勒庫山故名翁額勒庫者漢言磨香也故又譯之曰磨香嶺盛京通志曰遼世宗嘗獲麝於此自神其射故以名山又以名水其源則曰神射泉在磨香嶺下此翁格勒庫河所由名於朝陽者也及至柳邊則由清河邊門之西而入義州界清河者即清水河之簡稱元一統志曰清水河在川州西北五里源出西北七十里之紅土寨而熱河志以清水河爲無考今竊以川州爲據則知其地必在北土河東以紅土寨爲徵則卓索河亦名紅土河以類推之又知其當在土默特右翼北百里內承德府志曰翁額勒庫山漢名磨香山在縣屬土默特右翼東八十餘里翁額勒庫山發源於此乃知清河即清水河以北土河東土默特北其河流入義州者惟此清河矧其名又相符耶夫溯其源出既有川州紅土之徵而述其經流又有清河邊門之據此真可一言以斷曰清河也清水河也翁格勒庫河也皆檻倫水也此又清河所由名於義州者也蓋水每多遷地而易名檻倫水之在邊內爲翁格勒庫河至邊外則爲清河亦猶蘇巴爾噶圖泉在邊內爲褒齊老河至邊外爲櫟河川耳

檻倫水度邊而東易名清河逕遼南流逕大清堡西又

南其東岸有隘口河來會焉

隘口河一名細河其上流曰殺羊河或以其上流在直隸者至邊伶百里即終

志所謂百里水雖近似朝陽縣水也蒙古又呼爲伊瑪圖

河或轉作衣馬圖河並以殺羊取義熱河志曰伊瑪圖河

出土默特左翼西北六十里迤達里山迤南而東流逕烏

蘭木頭西南又逕迤東南流有馬鞍河自東北而西南流

注之

馬鞍河素語爲錫喇塔拉河亦朝陽縣水或又呼爲西營

他拉河水道提綱曰衣馬圖河西南流會西營他拉河即

此然伊瑪圖河實東南流西營他拉河乃西南流而來會

耳提綱誤熱河志曰錫喇塔拉河漢言馬鞍河出土默特

左翼西北四十八里摩該波羅山漢言青在朝陽縣東北

境西南流會伊瑪圖河既合流逕而東南逕烏有土臺之

東北又逕東而南流在清河門之東入柳邊爲義州東北

界又屈曲南流至大清堡東又南繞隘口山北麓與翁格

勒庫河合

兩河皆入檣倫水而俗仍呼爲隘口河以山名也河自隘

口山背破峽而南左右高峰中通一綫故有隘口之日然

細河之合清河則在隘口山北是逕山南者乃檣倫之清

河非殺羊之細河矣由是逕東而南流逕大甯堡東又南

東岸有青山焉蓋即前燕慕容廆徙於徒河青山舊地也

又屈曲南流逕馬嶺驛西又南至連仙鋪西入錦縣界

又南有檣盧故城遺址在其東岸方輿紀要曰檣盧城在

凡城東水經注論水南流東屈與一水合世名之檣倫水

城在水旁故曰檣盧慕容氏置城於此爲戍守處按此論

水卽白狼右支是水經注檣倫水一作檣倫水且可作檣

盧水矣前燕疆域補志幽州燕國治薊領縣十五末曰吳

晉書永和三年姚以吳中流人立夫燕國吳縣乃爲吳國

流人而立則南中吳郡舊名闡盧城因春秋吳王之號也

循是以求安知非吳人聚居於此遂亦名此燕國之吳縣

爲闡盧城耶既名其城遂亦名其水爲闡盧水耶蓋檣盧

闡盧音全相同而檣倫闡盧則音雖轉而仍同母若以耶

注例之恐非戎方之變名而直變方之舊號矣以其人其

地其時其事皆適值也檣倫水於是稍折而西南入大凌

河

大凌河得併檣倫之清河水勢益盛與大遼水埒土人遂亦

以遼河稱之此殆因其相似而隨呼非謂其遼河也按武經

契丹地形圖曰東京西至遼河一百五十里此其遼河也遼河

日又七十里至闡山館又九十里至獨山館又八十里至唐

葉縣又五十里至乾州城北六十里至楊家營館又五十里

遼河北六十里至宜州此遼河在遼州之南闡山之西豈遼

水所能至哉而卽其方位則大凌河遼河蓋狼水之名一變狼

而爲靈再變靈而爲凌又變凌而爲遼書字屢更語音隨轉

要可心知其意凡譯方俗之言皆當以此例通之於是大凌

河迤東而南流逕逕黃山之西又東南有大蛤蜊河合雨水

來注之

大蛤蜊河錦縣水也以縣境有小蛤蜊河卽古蛤刺河故

呼此爲大蛤蜊河盛京通志曰大蛤蜊河在錦縣城東

北四十里源出境內櫻桃源東南流逕游家山北大凌

河又曰櫻桃源泉城東三十里河源出此是知河源只曰

櫻桃泉至十里外乃為蛤蜊河耳逕進南而東流至魚子嶂西南其北岸有七里河來會焉

七里河即冷泉河其上流曰齊家堡河或作戚家堡在斑石山西義州

水也 盛京通志曰齊家堡七里河義州城南四十五里

源出斑石山東南流逶迤高山入錦縣界冷泉河在義州境內為

為冷泉河實一水也 其名七里河者以自斑石山出距城

七里即有王巨河自西南來會焉

王巨河錦縣水也無常源不雨即涸故又呼為乾河溝

盛京通志曰乾河溝在城南十五里自灰山東北流入七

里河是也七里河合此又東南流逶迤高山麓有冷泉注

之入錦縣界故更名冷泉河又東南流逕魚子嶂西又東

南入大蛤蜊河遂屈而東流其北岸有石河注之

石河即石房河義州水也前此不著陸地異名又有孫凌

堡河大定河之目方輿紀要曰義州衛南四十里石河源

出衛西南山中流為石房河徑衛城西一里南流為石河

又東入大凌河若據此則先北流至城西一里又南流至

城南四十里再折而東流殊非今日水道必有舛誤 盛

京通志曰石河義州城南三十里源出石廠山由城東南

至錦縣界入大凌河即孫凌堡河也又曰大定河錦縣城

東北五十五里源出義州石廠山由古開州南盛京通志曰錦縣

城東北五十里有古開州城今按其地 入縣界東南流逕

魚子嶂入大蛤蜊河以上二河實即一河因石河源於義

州而流於錦縣故通志兩載之非歧出也以其出石廠山

故曰石河而石廠山為前明大定堡戍地故又曰大定河

又石廠山東為孫凌堡河流經焉故更名孫凌堡河皆隨

地異名耳惟通志曰石河入錦縣界入大凌河此乃簡括

之詞其實先會大蛤蜊河而後入大凌河也其會大蛤蜊

河在魚子嶂東與嶂西之七里河相望又南流稍進而東

入大蛤蜊河

大蛤蜊河受雨水後又進南而東流繞游家山後又進東

入大凌河

大凌河乃進東而南流徑團山之東河勢至此分為兩派左

派東轉屈曲而南流出十三站之東本白狼水正道也今為

枯瀆命曰枯凌河按枯凌河自團山東起首受白狼左支今

水所注至柴火溝東入海水道提綱以枯凌河經十三站

東右屯衛城西入海此乃據陳編而立說不知其已枯瀆而

右派亦流方為其右派則今大凌河矣自團山東宛委南流

今日之正道耳

至鮎魚塘東又南入海盛京通志於錦縣云大凌河

口入海此最確而有據而於義州又謂大小凌河至錦縣

鮎魚塘入海微論大小凌河相去迥隔不能並流即所言亦

彼此互異應從

錦縣所載為是

大凌河自九關臺以東在

盛京境內又受有名之水十有四內有四水源仍出於朝陽入

柳邊後始與大凌河合

統計大凌河塞外邊內共受有名之水四十有三

小凌河水道

小凌河朝陽縣水也在大凌河之南蒙古名明安河以其源

出縣屬土默特右翼西南二百二十里之明安喀喇山承德

府志曰山色深黝千峰競秀故名明安漢言千頂有石洞洞

旁三泉交流為小凌河之源按此即古參柳水也漢書地理